

Na osnovu stava I Odluke o proglašenju stanja nesreće uzrokovane pojavom koronavirusa (COVID 19) na području Federacije BiH („Službene novine Federacije BiH“ broj 21/20), stava II Odluke o proglašenju stanja prirodne i dr. nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo („Službene novine Kantona Sarajevo broj: 11/20, član 13. stav 2. alineja 5. Zakona o principima lokalne samouprave u FBiH („Službene novine FBiH“ broj 49/06 i 51/09) člana 70. stav 1. tačka 16. Statuta Općine Vogošća („Službene novine Kantona Sarajevo“, broj 27/14 Prečišćeni tekst, 14/15 I 9/20), Općinsko vijeće Vogošća na telefonskoj sjednici održanoj 09.04.2020. donijelo je

ZAKLJUČAK

O dodjeli zemljišta na privremeno korištenje u svrhu proljetne sjetve u cilju prevazilaženja stanja nesreće uzrokovane pandemijom koronavirusa (COVID 19)

I

U cilju prevazilaženja stanja u kome se našla Općina Vogošća zbog pandemije koronavirusa, a u cilju povećanja poljoprivredne proizvodnje u periodu trajanja proglašenja stanja prirodne nesreće da se raspoloživo zemljište u državnoj svojini u vlasništvu Općine Vogošća dodijeli na privremeno korištenje u svrhu proljetne sjetve svim zainteresovanim licima.

II

Zemljište će se u zavisnosti od stanja na terenu dodjelivati ili kao poljoprivredna cjelina ili prema iskazanim potrebama izdjeljeno u manje površine od 200 m² ili više.

III

Dodjela zemljišta zainteresovanim licima će se izvršiti bez naknade.

IV

Dodjelu zemljišta putem javnog poziva provest će Služba za privredu, integralni lokalni razvoj i društvene djelatnosti.

V

Zaključak stupa na snagu danom donošenja a objaviće se na Oglasnoj tabli Općine Vogošća, veb stranici općine i Službenim novinama Kantona Sarajevo.

Broj:01-27-697/20
Vogošća; 09.04.2020.god

